

SAKSPAPIR

Saksnr	Utval	Type	Dato
011/16	Formannskapet	PS	27.01.2016
007/16	Heradsstyret	PS	02.03.2016

Saksbehandlar	ArkivsakID
Kari Foseid Aakre	14/27

Eigarskapsmelding 2016

Vedlegg:

Eigarskapsmelding

Vedtekter Osterøy Aktiv as, Osterøy Utbygging as, Opro as

Eigarskapsmelding

Rådmannen rår formannskapet til å gje slik innstilling til Heradstyret:

Eigarskapsmelding for 2016 vert vedteken.

Heradstyret ber om at det vert førebudd vedtektsendingar slik det går fram i saksutgreiinga.

Formannskapet - 011/16

FS - behandling:

Jon F. Blichfeldt, MDG, gjorde slikt framlegg: "Alle verksemder der Osterøy kommune er 100% eigar må arbeide mot sertifisering som Miljøfyrtårn innan 2017."

Ordføraren gjorde slikt framlegg om slikt tillegg til vedtak: "Heradsstyret ber om at det vert utvikla selskapsstrategiar for dei heileigde kommunale selskapa Osterøy utbygging AS, Opro AS og Osterøy Aktiv AS."

Alf T. Mortensen, FRP, gjorde slikt framlegg: "Saka vert utsett."

AVRØYSTING - utsetjing

Utsetjingsframlegget fall med 5 røyster (1KRF,1MDG,1SP,1V,1H) mot 4 røyster
(2FRP,2AP)

AVRØYSTING

alternativ avrøysting

Rådmannen sitt framlegg m/slikt tillegg som

foreslått av ordføraren - samrøystes

Jon F. Blichfeldt sitt framlegg - 3 røyster (1MDG,1H,1V)

FS - vedtak:

"Eigarskapsmelding for 2016 vert vedteken.

Heradstyret ber om at det vert førebudd vedtektsendringar slik det går fram i saksutgreiinga.

Heradsstyret ber om at det vert utvikla selskapsstrategiar for dei heileigde kommunale selskapa Osterøy Utbygging AS, Opro AS og Osterøy Aktiv AS."

Heradsstyret - 007/16

HS - behandling:

AVRØYSTING

Formannskapet sitt framlegg vart samrøystes vedteke.

HS - vedtak:

"Eigarskapsmelding for 2016 vert vedteken.

Heradstyret ber om at det vert førebudd vedtektsendringar slik det går fram i saksutgreiinga.

Heradsstyret ber om at det vert utvikla selskapsstrategiar for dei heileigde kommunale selskapa Osterøy Utbygging AS, Opro AS og Osterøy Aktiv AS."

Saksopplysningar:

Bakgrunn Eigarskapsmeldinga skal gi ein oversikt over kommunen sitt engasjement i selskap som kommunestyret har vedteke at kommunen skal vera deleigar i, eller selskap som er oppretta av kommunestyret og vert organisert utanfor kommunen sin forvaltningsorganisasjon.

Meldinga gir og føringar for Osterøy kommune sine prinsipp og strategiar for kommunalt eigarskap.

Vurdering

Osterøy kommune har ikkje tidlegare hatt ei eigarskapsmelding til handsaming. Det er særleg

selskapa der kommunen har 100% eigarskap det er naudsynt å sjå nærare på.

I høve dei øvrige selskapa vurderer ein at det ikkje er naturleg å gjera endringar eller ha stort fokus på dei no. Desse vert det aktuelt å sjå på når mogelege endringar i kommunestruktur vert kjent.

Når det gjeld prinsipp og strategiar for kommunalt eigarskap har ein tatt utgangspunkt i KS sine anbefalingar.

Årleg eigarmøte med formannskapet vert foreslått for selskap der kommunen eig 100% eller har aksjemajoriteten.

Når det gjeld styrerepresentasjon foreslår ein å følgja KS sine råd. Dersom ein skal sikra god drift i selskapa er det og naudsynt å få på plass styremedlemmar som har kompetanse innan dei ulike fagfelt. Administrasjonen bør få status som observatør i dei ulike styra.

For eit av selskapa, Osterøy Utbygging AS, kan det vera naudsynt å utvide ansvarsområde til og å omfatte næringsutvikling i kommunen. Selskapet vil da kunne få eit større handlingsrom, og kommunen vil kunne få eit nyttig reiskap i høve næringsutvikling. Ein rår derfor til at ein endrar §2 i vedtektene for selskapet (Selskapet sitt formål) slik at næringsutvikling inngår i formålsparagrafen.

Folkehelse
Miljø
Økonomi

Konklusjon

Rådmannen legg fram Eigarskapsmeldinga for Osterøy kommune for 2016.

Det er ei målsetting at denne vert revidert/gjennomgått årleg. Ein bør ha eit særleg fokus på dei selskapa der kommunen er eineaksjonær slik at ein til ei kvar tid er trygg på at selskapa vert dreve til beste for kommunen.

Rådmannen rår til at ein førebur vedtektsendring til generalforsamlinga i Osterøy Utbygging AS som omtalt i vurderinga.

Rådmannen rår og til at vedtektene vert endra i alle selskapa slik at administrasjonen kan møta som observatør i styra. Slik vert ein oppdatert på den «tenesteproduksjonen» som skjer gjennom selskapa.